

Maqasmava

Miniqabas sa madadengaz bunun maqasam tu, asa tu maqasmav
kukuza na madia a sincucuz, na ni tu mitsoqzang. Tupa ka madadengaz tu,
ka'a tu maletaz mangai', opa maca maletaz mangai' a', na uka' sinkukuza,
na uka' ko'nun, na minqalac na masoqzang, na calaquetun samatola'an duma
bunun.

Isnava'anang cata ihan kaku' masipul mapatas, madia ispasnava ita,
madia a sipulu patasan. Ma'aq qa kaku' a maszang ngi quma ka tu i'ita cata
kukuza munququma, i'ita cata pasnava tu makuaq kukuza, ma'aq qa hung
nga maszang ngi bangkal la tu tasa' tasa' qutun paqaqais palalotu, maca
tal'e'an ni ismut ta, asa tu tivalvalan anpuk'un pistaba'un, kuci'an tanga'
kanlakda' i lakda' mavail, maca maletaz mangai' cata na mismut ta quma,
na ni tu tal'e'an, ni tu kalac ca sincucuz, opa asmingun matulezu mataz.

Ma'aq qa ikma'e'un han kaku' qemangsut ta, maszang ikma'e'un han
quma tu kavung tanga' palangan. Maca uka' a qemangsut ikma'e'un, na ni
cata maqtu kukuza, maca maletaz mangai' masipul mapatas sa, na maszang
ngi via cin kavung tanga' tu na binangun mupangil, na ni'in maqtu iskucia,

mopata amin cata, maca ni tu maqasmav mapatas masipul, na minqetmal
amin na imita is'ang cin bungu'.

Maqasmava han kaku' masipul pasnava', maca ihan lumaq maqasmav
amin. Madia han lumaq qa kukuza'un, piningzav vi lumaq,
ma'asik bukszavan, maqesqes pangka, pit'ia qesing mahanat pan'e'an,
masinav sanglav, masinav baluku' qaltic taku, mapac'aq pavali' matipul
huluc, matipul tapaha', maca iskalunan tamatina, asa tu misna'is'ang
kukuza.

Malopaku ka uvava'az za, kamani tu latuza tan'a icia madadengaz tu
qalinga, malas maletaz mangai', ni tu asa iskalu'nan, ni tu masasabaq
somaqmut sadu' tilivi, ni tu patas si patasan, ni undangkazan tingmut,
laqani'an masabaq lucbut halacan munhan kaku'.

Tupa ka madadengaz qabas tu, ma'aq qa maletaz mangai tu bunun na,
na ni tu unahipan miqumic, pangqa asa cata tu maqasmav.

111 年全國語文競賽原住民族語朗讀 【卡群布農語】 國小學生組 編號 4 號

要殷勤努力

父母親教導我們，認真工作就不挨餓。長輩警告我們，我們懶惰，就沒有工作，會被人瞧不起。

學校好比是我們的農田，我們在那裡工作。書本好比是農田的土地。農田長滿雜草，必須把雜草拔除燒掉；如果都是石頭，必須把石頭挖掉。假如我們懶惰，農作物會被雜草掩蓋，無法生長結果，最後枯萎而死。

文具好比鐮刀和鋤頭。如果沒有農具，我們就無法工作。懶得用筆寫字，就好比鐮刀和鋤頭生鏽、鈍掉不能用來做工，心智也會遲鈍。

在學校認真，在家裡一樣要認真。我們要牢記前輩的話，要得到幸福快樂的生活，就必須認真地工作。